

édictz pour y maintenir pacificaōn et accord tant pour l'impossibilité que aussi ilz seroient assurés d'offanser Dieu et leur conscience (de laquelle ilz demandent en cella liberté aussi bien que font les sectaires) supportant et favue-risant les hérétiques et blasphémateurs.

Et de fait quelle doctrine en ces presches turbulans a esté aprise, retenue et pratiquée? quelz fruictz sont prou-veneuz diceux en sept ans qu'ilz ont esté tolérés en France? Chacun l'avest senti et trop expérimenté sans en dire davantage, sinon puis qui plaist à sa Maïesté, on s'en contenta sans y vouloir rien plus aprendre. Ceste doctrine est tropt pernitieuse, telz docteurs sont trop spéculatifz, leurs surveillans ont causé de trop grandes inquiétudes, leurs ministres et prédicans sont tropt fredroians et tempestifz, et pour éviter prolixité, regardez et considerez en quelques ville, lieu et place où ceste odieuse nouveauté ayt esté publiées, si discorde, dissention, ruïne et désolation s'en sont ensuivies, chose accoustumée et nécessaire et qui tousjours est advenue et proviendra par fauces et nouvelles doctrines et où les faux prophètes et séducteurs seront suportés et applaudiz.

Voila donc partie des raisons estans bien entendues et remonstrées que vous pourront couvrir de ceste dangereuse tempeste.

Quant est du devoir que vous avez à pourchasser, qu'ilz soient esloignez de vous. Je diray qu'entre toutes les villes esquelles vous vous pouvez egalés et faire comparaison, je n'en sache poinct qui soit plus obligée à maintenir l'honneur de Dieu et sa Religion sainte, comme plus aiant receu de biens et de faveurs de sa divine bonté es troubles passés n'ayant permis au paravant iceux qu'aucuns sectaires ayant pu temporiser ny estre comportez en icelle, bien